

如來十身（12-17-1888）

- 1 菩提身：即正覺佛。又云無著佛。安住世間，不著於涅槃，成正覺故。不著於生死，示乘無著之道而成正覺，故云無著。
- 2 願身：後云願佛。願生兜率天之佛身也。
- 3 化身：即化佛、涅槃佛。生於王宮之化身也。化者必示滅，故云涅槃佛。
- 4 住持身：即住持佛、持佛。滅後止自身舍利而住持佛法之身也。（佛像屬此）
- 5 相好莊嚴身：即業報身。以無邊之相好莊嚴佛身也。是為酬報萬行業因之功德，故云業報佛。
- 6 勢力身：即心佛。以佛之慈心攝伏一切，故云勢力身，亦云心佛。
- 7 如意身（意生身）：即如意佛。對於地前地上菩薩而現生如意之佛身也。
- 8 福德身：即三昧佛。常住於三昧之身也。三昧為福之最，故云福德。
- 9 智身：即性佛。大圓鏡智等之四智也。是為本有之性德，故云性佛。
- 10 法身：即法身佛。智身所了之本性也。
配之於通途之三身，則從「菩提心」至「住持身」之四身為應身。

從「相好身」至「智身」之五身為報身。
最後之法身即三身中之法身。

此十身者，對於解境之十身，而謂之行境之十身，以其為行可感得之佛身也。（見大疏鈔38、53、58）